

羅山縣志卷之二

知縣錦江葛荃重纂

建置

城池

公署

官秩

街市

坊珉

志曰天地無為者也人有為者也自大有為者出

而無為者藉以代為天下遂永賴其所為矣諸如

設金湯匪以自固以衛民也立堂階匪以自尊以

齊民也詔祿爵匪以自富貴以教養民也居民以

市廛遷其有無矣示民以旌表生其觀感矣庇民

以社稷時其雨暘除其厲疫矣慮民之病涉或杠

羅山縣志

卷之二

建置城池

一

或梁必石永於木焉籌民之禦侮或守或戰必筭

勝於廟焉哀民之鰥寡孤獨疲癯殘疾或布粟或

醫藥必仁先於政焉作建置志

城池

增

郡邑工程之浩莫如鑿築建置之要亦莫如金湯

恃陋不備將有倭焉思啓者渠邱之戒豈可忽於

太平之世哉官師之所臨蒞士庶之所環居國家

錢穀之所貯商賈貨賄之所集當必有以壯屏藩

捍內外者矣故時無險易均以城池爲建置之首務焉

羅故無城景泰元年知縣劉恒始創築周迴五里高二丈濶八尺南面臨小黃河三面爲濠濶三丈深一丈餘城門四額曰北通淮蔡南控江黃東連光息西望申陽天啓元年大水城盡圯踰年知縣許讓所至重修典史徐文芊董其役公私無擾視舊加飭崇禎七年流寇亂中原知縣周運泰慮城

羅山縣志

卷之二

建置城池

二

惡不足恃值邑人劉廣生以秦撫移疾歸里倡率紳士各捐重貲增高數尺環城敵臺三十餘所設備甚固又浚池深廣倍昔歲久漸頽

國朝知縣薛耳重脩量工計日按賦出力役復自捐薪米不勞而成但土性瀉鹵順治戊戌秋間霽雨半載新舊俱圯知縣李賡明設法捐金立窯買灰招徠匠作躬視其陶甃請期秋成輸財勸力踴躍從事時值深冬煦煦朝曦了無冰雪以是不苦於

役而山居僻至二百里外者亦裹糧負鍤不召自來時以千計未浹月而落成觀者稱大壯焉舊

城池增

羅邑城池自前令李賡明脩建後天下蕩平無事漸至頽敝迨康熙乙酉歲大水浸潰殆半遷延至雍正戊申存者十之二三而已制府田公

奏請興脩以試用令薛景珏總其事邑令王夔龍佐之存者盡毀掃地重新外甃以甃內培以土始壬

羅山縣志

卷之二城池

三

子九月迄甲寅八月告竣共費國租七千餘兩計高一丈八尺趾厚一丈二尺頂厚六尺周八百七十餘丈堞一千二百有奇譙樓四座環郊遐矚鬱鬱芻芻非復昔時氣象矣改門額東曰迎旭西曰望申南曰朝陽北曰拱宸舊制南門直出大通橋形家以砂水相犯不利文風因閉之而開新門於坤維所謂朝陽者是也旋以舊門內街市乍廢居人籲請重開額曰大通與朝陽竝列爲兩南門焉

乾隆十三年^荃奉檄勸捐修學既竣復據紳士耆老以大通門不利文風畧請西移十數武轉向龍山避冲射而就朝拱尤於內外街市有興無廢遂爲轉請各憲卽就修學餘資照議舉行改其額曰挹秀另有記載藝文茲述其梗槩如此抑城自新建後外甃非不堅完而內之培土過薄址纔倍頂一遇霪霖土易崩潰土潰而甃磚隨之矣^荃於乾隆九年蒞任時城之先圯者近百丈十年捐費

羅山縣志

卷之二

城池公署

四

修復柰此工甫竣彼地又傾自後歲歲補苴每歲約費自數十金至百餘金不等今雖現俱完固殊非經久之道顧公帑旣不可更請官捐亦恐其難繼似應借資民力庶爲衆擎易舉而時會猝無可乘姑存之以俟後圖可耳

公署^舊

縣治无故址在城西南隅明洪武四年知縣聞珪建萬曆元年知縣應存初以東街白勝寺易而爲

縣治舊縣治爲白勝寺明季燼於兵火

國初知縣齊安邦寄居白勝寺後來僦居民房及順治五年知縣薛耳復營東街之舊治臨民蒞政儲賦明刑者粗備宅舍尚多茅茨以俟後之葺補云

治事堂五間

議政堂三間

堂初成知縣薛耳禱雨得甘澍薛公喜曰有雨則有民而政可成矣遂以

堂

儀門三間

東西角門各一間

羅山縣志

卷之二 公署

五

庫樓一間

在治事堂左

架閣庫一間

在治事堂右

六房科十二間

在堂東西各六間

樵樓一座

即縣治大門今無樓

寅賓館三間

在儀門外東今廢知縣左修品將舊址改建監谷倉廩

土地祠三間

在寅賓館後知縣左修品改爲一間

知縣宅

在議政堂後

縣丞宅

成化間廢

主簿宅

在縣東今廢

教諭署

在文廟東

訓導署

在文廟西

典史宅

舊在縣治西今改在寅賓館東

申明亭

今廢

旌善亭

今廢

陰陽學 無定所

醫學 無定所

僧會司 在白勝寺今在城隍廟

道會司 無定所

獄神廟一間

獄房一所

輕獄房一所

女獄房一所 俱在儀門外西

內倉房三間 知縣王家遴建

察院 在縣治西南白勝寺東山上久廢知縣高楫葺布政分司以代之今廢

布政分司 在舊察院東後改為察院今廢 按察分司 縣治西南楊公街今廢

府館分司 縣治西南今廢 演武廠 在南門外西北郊外今廢

羅山縣志

卷之二 公署

六

九里關巡檢司 在縣西南一百二十里今廢

大勝關巡檢司 在縣正南一百四十里今廢

急遞總舖 在縣治西南 棠棣舖 縣東十里

竹竿舖 縣東三十里 東臯舖 縣東北三十里

欄杆舖 縣西三十里 新興舖 縣西十五里

武臯舖 縣西四十里 金關舖 縣西五十五里

天塘舖 縣北十里 淮河舖 縣北三十里

公署 增

公署之模範隨氣運爲轉移者也興廢之數舉其
要華樸之際持其中則得矣舊志所書除廢秩外
尚多此日不急之務蓋時勢遞遷今昔殊軌也昔
有今無亦無不可矣但運際文明凡官師所居及
政治要地自當綽備堅固以圖永遠縣治自

國初知縣薛耳草葺粗備其後漸有增修如知縣王
夔龍則於治事堂大加整飭知縣左修品則於科
房規畫一新唯內宅久未修葺諸多傾壞莖於蒞

羅山縣志

卷之二

公署官秩

七

任後逐加完繕尚不至鞠爲茂草至典史舊宅久
廢僦居民房尚待建興

官秩增

庶民錯生首出惟君綱紀攸措萬國資寧然非一
手一足之爲烈也官於是立焉非數人材力之所
及也秩於是備焉卽一邑之中條分縷晰提綱振
領孰非本周官之意而權宜以時勢之不齊者歟
其間有興廢也亦因時勢爲之也但朝有不得已

之官官卽有不得已之事修乃職攷乃法雖在盛
世亦自有非易易者矣

知縣一員

縣丞一員

明成化年間裁

主簿一員

今裁

典史一員

九里大勝關巡檢二員

後併爲一員今裁

儒學教諭一員

羅山縣志

卷之二

官秩

八

訓導二員

俱裁今復設
一員

鄉約官一員

今裁

陰陽學訓術一員

醫學訓科一員

僧會司僧會一員

道會司道會一員

陰醫僧道明初俱赴銓部後不入銓惟令長擇
其能者而授之

廩膳生員二十人

增廣生員二十人

附學生員不限以數

今每考入學十二名

教讀二人

司社學今裁其義學隨時延師

舊設典吏十七人

吏禮兵刑工舖長承發架閣官
官倉捕衙九勝二關儒學各一

庫戶禮
各二人

今現設吏攢十四人

吏禮兵典吏各一人戶刑工
典吏各二人庫倉承發儒學

捕衙各
一人

街市
舊

有縣治則有街市是縉紳士民輩環守土者而居也先朝休養數百年商賈百工紛紛交易為市不待日中而宅第壯麗彷彿吳門乃盛極則衰始苦

羅山縣志

卷之二

官秩街市

九

於流寇之回祿既盡於土寇之遷毀杜少陵城春草木深之句若為羅邑致嘆惟

朝廷生聚教養則舊制可復也其街之存者廢者竝列於左

十字街 四門通衢

居仁街 東門內

由義街 西門內

阜財街 南門內

拱辰街 北門內

宣化街 舊縣治東

乘商街 南門外

望申街 西門外

北新街

南新街

雲路街

學門前

楊公街

胡家巷

今縣治後

廟街

北門內街西

分司街

南門內街西

周家新街

南門內街東

南關市

北關市

西關市

東關市

各店市入各里鎮內不復載

街市

增

羅山縣志

卷之二

街市

十

讀易繫辭日中爲市致天下之民聚天下之貨取諸噬嗑噬嗑之象頤中有物也舊志城春草水深之嘆蓋當剝廬之後戶寂丁稀雖

國家畜聚多方而元氣未復宜云爾也今又五十餘禩矣生齒日繁田土日闢財用漸豐商賈咸集由城內及關廂向之凋殘空濶者肆屢櫛比不減前明盛時矣故觀於市而知其中之大有物也豈非聖澤之休養者久而賢有司之撫字者深哉

坊珉舊附街市內今分爲另條

坊珉之設所以垂久遠也丈夫而立德立

言立功婦人而恒其德貞皆足以彪炳一世模範

千秋者也芳名峻勒不亦宜哉

淮連洙泗坊儒學門東 靈並泰華坊儒學門西

誥贈勅贈斂元接武四坊爲僉憲尚志御史尚化經魁尚禔亞魁尚侃立

在十字街

繡衣坊爲趙時中立 解元坊爲尚維持立

羅山縣志

卷之二 坊珉

十一

世科坊爲徐文昌徐有等立 橋梓聯芳坊爲胡瀛胡止立北街

社學前

起鳳坊爲張秘立 兩京御史坊爲尚禔尚維持立

西門內

持尚芾立

柱史坊爲劉淮立 歷世進士坊爲尚仲賢尚禔尚維 解元坊爲劉鎰立 調度著績坊爲陝西巡撫劉廣生立

覃恩世錫坊爲畢志學畢竟奇立 貞節坊四一爲劉環妻周氏立一

爲徐汝進妻劉氏立 一爲黎光裕妻張氏立 一爲黎黔妻祁氏立

清風百世坊 爲劉容立

問津坊 在縣西南六十里子路山北載在古蹟

旌義坊 在縣西南二百里明正統間旌義民尹慶二差行人司建有勅今毀坊柱有聯云義

從陌上輸千石恩
向人間第一家

祝大人坊 在縣西南八十里小石門內無攷

坊珉 補 魯麟

旌義坊 在縣南一百四十里明正統三年爲羅瑛建見耆舊有傳

坊珉 增

羅山縣志

卷之二 坊珉壇壝

十一

節孝坊 在節孝祠前雍正六年建

劉徐氏貞節坊 在西街

壇壝 增

先王創立祭典三祀竝重祠廟而外復設壇壝各以其氣類求之所謂受霜露風雨以達天地之氣者也程子曰今人纔有水旱便去廟中祈禱土木人身上有雨露耶由此推之可以得壇壝之理矣
晰考古制社稷封人所掌封國樹社稷之壝是也

風雨等壇卽以樵燎祀飜師雨師以狸沉祭山林
川澤者與八蜡則郊特牲所謂蜡者索也歲十二
月索聚萬物而合饗之者也此與先農之祀大率
皆爲民祈報者典至鉅矣若邑厲似厲不經然良
霄爲厲見之傳矣南軒不信厲一日宿淮上寺中
夜聽小鷄鳴以萬數起視之彌望燈光滿地問之
知爲古戰場由是言之亦必有道矣况豈無忠烈
未著埋沒於荒烟蔓草者乎舊志稱羅邑壇壝頽

羅山縣志

卷之二

壇壝

十二

圯無存春秋二戊唯於南北城外輯蒲望祭非事
神之大典良然今於社稷等壇或構神居或立冢
土降至邑厲亦除地親蒞得其禮矣其以致風雨
時若年穀順成民無夭札物無疵厲有由來哉

社稷壇 西門外一里

風雲雷雨山川壇 南門外半里以上雍正十三年奉文建

八蜡祠 康熙六年奉文修

先農壇 東門外一里雍正五年奉文建

厲壇 北門外隨空處祭之

橋梁

羅邑帶長淮襟澗水竹水必方舟始登彼岸而逼
縣南門之黃水則不以蘭橈而以石梁乃橋之鼻
祖也其散在四境者皆大通之子孫雲仍也亦備

載也

大通橋

南門外舊為柴橋景泰元年知縣劉恒以
石成塚布以木板凡五空後水漲橋壞弘
治十三年知縣楊鉞重脩增以七空名大通橋
尋復壞嘉靖四十年知縣陳思武邑人尚維持

羅山縣志

卷之二 橋梁

十四

協同勸募重脩視舊高大完固明太祖
微嘗元夕過此賦詩見藝文志

太平橋

城西北一里名攀龍橋
重脩

治安橋

西門外雍正七年知縣姚文耀

紫荊橋

西門外街中

白馬橋

西五里
人張仲簡募修後
圯萬曆年重修

三里橋

東三里弘治四年知縣王統邑

馬寨河橋

西五里雍正六年署縣閻
土縉
重修

定遠橋

南一百二十里

欄杆橋

南一百四十里

女兒橋

南八十里

彭家橋

西二十里

劉家橋

東北七里

徐家橋 東北二十五里

和尚橋 南一百二十里

子路河橋 西南三十里

閔仙河橋 南五十里

梅花橋 南山一百里入龍池路紅石橋方廣數丈有白石筋數十縷宛如梅樹枝榦故名

橋梁 續 魯麟

邑城南門外大通橋自明嘉靖間重修至今百數
餘年矣山水湍急下有深潭衝齧日久漸爲頽
圯麟恐其一傾所費不貲毅然任修於是士民共
襄樂輸經始於庚午越明年辛未告成

羅山縣志

卷之二 橋梁

十五

橋梁 增

羅邑橋梁以大通橋爲宗駕黃河而蜿蜒橫臥北
通都會南接江黃之要道誠不可一日無者顧鄙
地山川錯繆谿谷參差不惟杠梁甚夥而兩岸巉
削溝渠浚深者亦復不乏脫有殘闕病涉其小者
也或不免窮途之嘆矣故凡有建興葺補在官與
在民均不朽焉

武備

明季羅邑爲守甚固久而賊擊其懈卒至彈丸城
不保

國朝芟夷大亂斬木揭竿者無有也然安不忘危之
訓是誠克詰者之責矣

教場一所

演武廳三間今廢

將臺一座今廢

轅門一座今廢

原額馬兵六十一名

原額步兵九十五名

羅山縣志

卷之二武備

十六

原額義勇四十名

崇禎間知縣周運泰募民兵四 曰 勇曰關

勇曰忠勇曰義勇

九里關大勝關弓 二十四名 檢官領之

以詰盜賊今

武備增

外委把總一員駐防城內營房瓦二間茅三間

九里關營房七間 墩臺一座 烟墩三個

大勝關營房七間 墩臺一座 烟墩三個

金關鋪營房七間 墩臺一座 烟墩三個 以上三處

雍正二年
奉行建

康熙間原額馬兵一名步兵三十名雍正七年調入信陽六名乾隆八年裁去四名今現存馬步兵二十一名分置

九里關三名 大勝關三名 金關鋪三名

生鐵鋪一名 青山店一名存城馬步兵十名

羅山縣志

卷之二 武備

十七

民壯五十名雍正二年設各給工食使習弓矢鳥鎗以備捍衛乾隆六年奉裁二十名乾隆十三年奉裁六名現存二十四名

國家當無事之日兼飭戎具所謂安不忘危者良則云然然樹聲靈之赫濯禦豪強之不恣消反側未萌亦要務矣固不必啓行奏凱始云有所用也

惠卹 增

考周禮以保恤六養萬民以荒政十二聚萬民惠
卹之政由來尚矣顧自井田既廢民無恒產者衆
厥政尤汲汲焉蓋恒產之家脫有不足猶以稱貸
支吾歲月若夫地無立錐朝不足則無以待暮暮
不足則無以待朝况鰥寡孤獨老病疲癯其待哺
更有甚焉者矣常平之法始於漢社倉之設始於
晦翁大率助民於春夏之交至秋償之者也養濟
等院以給民之無償者宋安養院之遺與他若置

羅山縣志

卷之二

惠卹

十八

獄田恩及罪人也設漏澤惠及枯骨也法誠備意
誠周矣雖然猶有慮者黃宜卿曰法度雖是一個
用之亦在其人糴米賑饑每多無及於事之患良
有司細加覈察弊在吏則釐剔之弊在法則權宜
之庶幾上有實惠民無轉散矣此王政之急務故
以惠卹終焉

常平倉二十五間

在朝陽門內向係草屋至雍正六年奉文改建瓦倉

漕谷倉九間

在常平倉前雍正四年奉文建

監谷倉二十間 在縣署儀門外東旁乾隆四年奉文建

社會五間 在普濟菴莽張店萬家堂定遠店陳家堂五處乾隆十年奉文建

按舊志有預備倉在白勝寺共濟倉在城西五里續志稱各倉久廢麟於署西構房三間儲穀備賑幸於康熙二十九年奉文納粟入監麟又於儒學後設倉以貯之等語今查續志之倉亦并無存而常漕監倉皆已動項興建足垂久遠養民之道度幾備矣

羅山縣志

卷之二 惠邨

惠民藥局 在四關外今廢

養濟院 在北門外

育嬰堂 在朝陽門內

普濟院 在朝陽門內以上三處俱雍正十年奉文建

獄田 邑舊無獄田惟禁卒在市乞化署縣闔士縉捐買榆約董端如田一處每年收租添補獄

食雍正十二年奉文額設囚糧所收租息用充例不准支口糧人犯之用

漏澤園 二區一在城北一在城西

知縣王夔龍增置義地二區 一坐永安里一坐連城

何其中捐地三畝 坐富城里

楊章捐地二畝七分 坐華山里

鄭景僑捐地二畝七分 坐羅城里

吳成宗捐地六畝五分 坐在坊里

普濟庵捐地二畝三分 坐永安里

鬪惟和捐地五畝五分 坐仙居里

劉璠捐地二畝二分 坐青山里

劉徐氏捐地二畝五分 坐青山里

羅山縣志

卷之二 惠邨

二十

余公仁捐地五畝二分 坐樂城里

論曰締造之始厥惟艱哉功無鉅細鳩工飭材非
偶然集也乃不踰數十年中興廢迭更豈其初事
之不慎乎始於一椽一瓦一尋一尺不之補葺日
積月累遂至傾圮及傾圮而爲之艱復如初矣思
其艱以圖其易莫如因其時而伺之乘其間而完
之毋惜小費毋畏小勞毋因循歲月度幾不勞民
不傷財而相承於不朽矣